

Malaysia



Pencemaran Sungai Johor berpunca dari lombong pasir

Kerja pembaikan dan pemulihan air giat dijalankan

Nov 3, 2025 | 12:52 PM



REMAR NORDIN



Dengar Artikel ini
4 min

Generated by AI



SINGAPURA



Dengar Artikel ini
4 min

Halal

Translate Summarise



Kejadian yang dilaporkan pada 31 Oktober telah menjejaskan operasi beberapa loji rawatan air utama termasuk Loji Rawatan Air (LRA) Linggiu, Semangar dan Sungai Johor, selain turut memberi kesan kepada loji air milik agensi air Singapura, PUB.

Dalam kenyataan media yang dikeluarkan pada 2 November, JAS memaklumkan siasatan segera dijalankan pada hari kejadian dan mendapati benteng kolam takungan lumpur yang rosak menyebabkan aliran sedimen masuk ke sungai secara graviti.



New Marina Bay developments bring leisure closer to work

[businesstimes.com.sg](https://www.businesstimes.com.sg)

[READ MORE >](#)

“Pihak syarikat terbabit telah mengambil tindakan awal dengan menambak semula benteng yang pecah dan menaikkan paras takungan bagi mengelakkan aliran air berlumpur daripada terus memasuki sungai,” kata JAS.

Jabatan itu turut mengeluarkan ‘Field Citation’ kepada sebuah syarikat bagi mengemukakan laporan terperinci mengenai kerja penambahbaikan benteng yang pecah serta diarah melaksanakan pemantauan berterusan ke atas semua kolam takungan lumpur di kawasan operasi.

Pemantauan bersepadu di lapangan turut dijalankan bersama pelbagai agensi termasuk Badan Kawal Selia Air Johor (Bakaj), Jabatan Pengairan dan Saliran (JPS), Suruhanjaya Perkhidmatan Air Negara (Span) dan Ranhill SAJ.

“JAS akan meneruskan siasatan terperinci dan tidak teragak-agak untuk mengambil tindakan lanjut termasuk pendakwaan sekiranya terdapat pelanggaran undang-undang di bawah Akta Kualiti Alam Sekeliling 1974 (Akta 127),” katanya.

Menurut JAS, kegiatan perlombongan pasir yang terbabit tidak tertakluk kepada Penilaian Kesan Alam Sekitar (EIA) kerana melibatkan kawasan kurang dari 20 hektar.

Namun, tindakan perundangan akan diambil melalui Enakmen Pejabat Tanah dan Galian (Pelesenan) dan peruntukan Akta Span.

JAS turut menegaskan mana-mana pihak yang menyebabkan pencemaran alam sekitar boleh dikenakan hukuman denda sehingga RM500,000 (\$155,117) atau penjara sehingga lima tahun, atau kedua-duanya sekali, bergantung kepada kesalahan.

Pengerusi Jawatankuasa Kerja Raya, Pengangkutan, Infrastruktur dan Komunikasi Johor, Encik Mohamad Fazli Mohamad Salleh, berkata proses pemulihan bekalan air di bawah seliaan Ranhill SAJ kini menunjukkan perkembangan positif, dengan semua loji utama telah beroperasi semula sepenuhnya.




LRA Semangar juga beroperasi sepenuhnya dengan kadar pemulihan agihan mencapai 91 peratus melibatkan 34,111 akaun yang masih terjejas di kawasan Skudai, Gelang Patah dan Kulai.

“Bagi LRA Sungai Johor, operasi telah dipulihkan 100 peratus manakala agihan bekalan kini pada tahap 43 peratus, dengan 90,629 akaun masih terjejas meliputi kawasan Bukit Indah, Iskandar Puteri dan Ulu Pulai.

“LRA PUB di bawah agensi air Singapura juga telah kembali beroperasi sepenuhnya, dengan 24,662 akaun pengguna masih dalam proses pemulihan,” katanya.

Encik Fazli menjelaskan bahawa Ranhill SAJ sedang melaksanakan proses penstabilan tekanan dan agihan secara berperingkat di semua kawasan terlibat serta menggesa pengguna agar terus berjimat cermat dalam penggunaan air.

Adakah anda menikmati artikel ini? Beritahu kami.



Laporan berkaitan

PUB: Bekalan air di Loji Air Sungai Johor disambung semula

Nov 2, 2025 | 7:19 PM

Agensi S'pura pantau kualiti air di Johor susuli dua insiden pencemaran

Nov 1, 2025 | 1:56 PM

johor sungai johor isu pencemaran PUB loji rawatan



Berita Harian
Selamat Datang Di Hujung Jari Anda

Istimewa untuk anda!
Baca beberapa artikel premium yang lalu secara percuma, untuk tempoh terhad!

BACA DI SINI



Dapatkan artikel ini untuk diterbitkan semula

Ringkas



Kuiz Berita Harian Uji pengetahuan anda dalam bahasa Melayu



Rekomendasi




Pegawai HDB meninggal dunia setelah sertai lumba bot naga , Berita Singapur...



Masjid Darul Makmur ruang tabur bakti, timba ilmu, Berita Singapura -...



Dua tahun tanpa tawaran, pelakon komedi M'sia, Syanie, tetap positif , Berit...



PowerFactor Selamat Tinggal Bil Elektrik Yang Mahal - Begini Caranya!

SINGAPURA

Berita Harian
Berita Minggu



Hubungi Kami

Kenali Kami

Syarat dan Peraturan

Kenyataan Privasi

Dasar Perlindungan Data

BH Services

Langgan

Iklan Bersama Kami

Berita Harian di Mudah Alih



Kuiz Berita Harian Uji pengetahuan anda dalam bahasa Melayu

Khidmat pelanggan

6388-3838

Meja Berita

Anda ada maklumat mengenai sesuatu berita menarik?

E-mel: bhnews@sph.com.sg

MDDI (P) 015/06/2025, MDDI (P) 014/06/2025 SPH Digital News Copyright © 2025 . SPH Media Limited. Co. Regn. No. 202120748H



Kuiz BeritaHarian Uji pengetahuan anda dalam bahasa Melayu